

VRG

917

corrected

L xvii


16/6

Nijhoff  
23/11/26  
20 Guilders



will  
23/11/20  
20/12/20







Herlicher

# Philosophi=

scher rathsclag zu curiren We/  
stiles/ Brustgeschwer/ Carfunckl: dardurch  
auch andere gysst/ so in speiß oder tranck ein  
genommen / außgetriben mögen werden/  
samt gysstiger thieren biß / als ra-  
sender hunden vnd schlan-  
gen / ꝛ.

MAGNIFICIS

PRVDENTISSIMIS-  
QVE DOMINIS, CONSV-

LIBVS, TRIBVNIS, SENATVI,  
populoq; Basiliensi.

OFFERT

ADAM VON BODENSTEIN

*Medicinarum & Philosophie*

*Doctor.*

\* ἀνέχου ἑαπ' ἀνέχου. \*

*Si nihil infesti durus uidisset Vlysses,  
Penelope foelix, sed sine laude forer.*

M. D. LXXVII.



Die thorecht Welt also ist gsint/  
Das wo man etwas neues sint/  
Sie das verachtet vnd vernicht/  
Auch offte ihr vrtheil drüber spricht/  
Do sie darin doch nichts berichte.  
Vnd offte das new dem alten weit  
Fürtrifft in nutz vnd fromligkeit.  
Ist aber gut ob schon durch duck  
Die warheit offte wird dregt vnd druck  
Sie doch nicht gar wird vnterdruckt/  
Sonders herfür wie Sonnen glasse  
Leucht endlich vnd sich sehen last.


*Recta ualent, obliqua cadunt, stat gloria ueris.  
Turpes euentus, quæ simulantur habent.*

MAGNI-



MAGNIFICIS  
 PRVDENTISSIMIS-  
 QVE DOMINIS, CONSV-  
 LIBVS, TRIBVNIS, SENATVI,  
 populoque Basi-  
 liensi.

SALVTEM  
 precatur.



Dien / Gestrengen/  
 Ehrnuesten / fromme  
 weysen G. lieben her-  
 ren / demnach in L. G.  
 Seetz vnnnd Land zu  
 sterbender zeit / inson-  
 derheit des verfloßnen drey auch vier  
 vn sechzigsten jars / als die grüne lues  
 pestifera alhie vnnnd vilen enden mit  
 grosser exaltation sich eingerissen /  
 ich mich wol gebrauchen auß eignem  
 willen mit ernst vnd fleiß lassen / vnd  
 sonderlich domalen die mummiatam

Vorred.

Theriacam / welche Paracelsus beschrieben / vilen personen mitgetheilet / Befunden (vornittelst Göttliches segens ) ihr vberschwenckliche gute probam. Also / daß welchem ich solche eingegeben / vnnnd er dieselbig bey sich behalten / Bisß das nahergefolget dosis altera / zum andern mal einzunehmen / dem warde sein kranckheit inn gesundtheit verkehret. Darauff vnd anderen circumstantijs mir ein grose freude begegnet / ja daß ich ein prædiction bekam / stellen dorfft vnd sagen / wie sichs in diesem leger mit dem patienten zutragen würde: Dann wo ernente medicin nicht plag haben / daß sie jr würckung vben mocht / sondern von dem feinde durch erbrechen aufgeworffen / etwann durch mich ein mal / etwann Bisß inn des dritt administriert / vnnnd alweg wider aufgetaget wordē / So konte ich schliessen / das menschliche hilff / vorsichtigkeit vnnnd natürliche mittel nichts mehr verfangen mochten. Es was dieser weiffagung ein vrsach / weil



## Vorred.

weil die natur der inner Adech die re-  
media respürt/nicht zu hilff annam/  
so kontentes die innatas proprietates  
ihme nicht mit theilen / Wo aber sie  
angenommen / verfolgte gewißlich/  
daß diese plag dem medico vnd der  
medicin auß lauterer Barmherzig-  
keit Gottes vnterworffen vnd natür-  
lich worden / auff des dem menschen  
sein leben verlengeret. Weil nun gne-  
dige Herren/ich solches auffsehens in  
ernenter Pestilenzischer regierung  
auch andern zuuor gehabt vnd erfah-  
re/daß pestis Ein vnnatürliche kräfft  
heit/ Ein besondere rüt vnd plag/so  
sich erhebt auß des menschen sünde/  
Ein vnsehlich / vngreiflich / geist-  
lich wesen/ (wie das beschrieben von  
Paracelso ) so keins wegs herkünfft-  
tig von einigem humore / sondern  
ausen ane in den menschen auch sei-  
nen liquorem sich als ein dampff vnd  
rauch durch anziehung des geruchs/  
Oder wie ein donnerstral vnd schutz  
der kugel auß der bipen/oder ein stich  
vom schwerdt oder wunden inn den



## Borred.

menschlichen corpus sich begibet/ ein-  
dringt vñ oben herab widerfart/ So  
müß diß bey allen der grund sein/ daß  
zweyerley geistliche formalische reme-  
dia müssen fürgenomen vnd gebrau-  
chet werde/nämlichē das erst/ Dz wir  
alle sampt vñ sonderemit fastē/almañ  
sen gebē vnd bettē versünēt durch für-  
bitē vnser seligmachers / Gott seinē  
grüßen zorn vñ gerechtigkeit/ vñ be-  
wegē in barmherzigkeit/ als Iunue.  
Das and/ daß der medicus die Alexi-  
pharmaca in irer höchsten potentia/  
kraft vñ tugēt gebracht hab: in die sie  
vō Gott anfangs der erschaffung ge-  
ordnet/ vñ ime diße inuoluirte/vermi-  
schte eingewicklete kraft heraußer vō  
corpore ziehe / wie der berckman die  
volkōmne metallen auß dē berck vnd  
flüchtigē arz absonderet/ außzeucht/  
dz rein vom vnreinen vñ onbestendi-  
gen (jeglichs in seiner art) segregirt/  
also vil vñ offtmalen/ biß er gereicht  
vnd kompt zu dem fixen vñnd feinen  
klaren metallen / vñ dann ist der me-  
dicus gerecht in seinē werck/ vnd wol-  
ge-



### Vorred:

gefasst in seinē beruff: wann er / sprich  
ich / die confusion so mit d natur in al  
lē creatē laufft hat gscheidē / wie d sch d  
pfer himels vnd erdrichs anfangs dz  
chaos zerteilet vns zu einē reichen / es  
yempel / Dan im schweiß seines ange  
sichts soll jder in seiner vocation sein  
brot bekommen / die natur producirt  
vns nichts dz geriches vñ stracks ins  
volkōmen gebracht seiē / Vns wachse  
kein hosen od schuch / aber wol die thie  
rer so die heüt vñ wollen geben / Vns  
wachset kein brot / aber die frucht / die  
drescher bünges erst vō helm / seigeres  
vō vnrat / werffens vō onfruchtbarē  
miskorn / d müller malts / reinigts vō  
kleien / d beck bachts durtch feurs hitz /  
vñ in diser reuerberirung behalts erst  
die prob dz es brot sey: Vñ solch brot /  
darin aller tierer fleisch vñ blüt ist / de  
nē diß zu nutriment erschaffē / issets ein  
mensch / so verkerts sich zu menschen  
fleisch: issets ein hund / so wirts hunds  
fleisch / ꝛc. Ebs nu ins end gbracht ist /  
vñ bleibt also gewachse auß dē samē /  
wer wurd vō stengl / stro / sprüer vñ wie  
es producirt langwerendes nutriment



## Vorred:

dienlich fleisch vnnnd blut zu werden/  
(Besonders im mensch) entpfahen?  
Wurde etwann nutzbarer erscheinen  
die locustas/sprößling in der wüste zu  
essen der gewachsen. Auff solchen  
grund müssen vnnnd sollen wir vnser  
andere remedia ordnen / damit ge-  
bracht werde defensiuum vnd curati-  
uum in formalem medicinam / als  
vil lumen naturæ gedulden kan/auff  
des spiritus vitæ dardurch eylenden  
beistand.Befinde / vnnnd in schnelle ge-  
gegen were / sich bewapnen möge/  
durch vnser Chrißtliche natürliche  
Kunst / welche ohne spagiria niman-  
den vnter die handt zu vnsern zeiten  
geben wirt. Also spreche ich / das gifte  
des Pestilenzischen geschosses / vnnnd  
der brand durch ire gewisse emuncto-  
ria vnd des zufellig gifte durch ande-  
re meatus hinauß getriben / als im  
büchli vermeldet wirt / auch von aus-  
sen ane anzogen / gedemmet (wie ein  
brannt gemeiner bixen kugel / so mit  
Knobloch oder spect vergiffet / durch  
des öl von der glette vñ Krebs safft ge-  
demmet



### Vorred.

demmet vnd abgelöschet wirt) Ja ie  
höher vnnnd subtiler der medicus die  
medicin præparirt/ je eher auch ster-  
cker des menschen krafft / der inner-  
lich mensch der Adech hilff bekompt/  
vñ deren er warlich hochnötig/ quia  
periculum in mora: Dañ so die medi-  
cin sich lang im nechsten magen sau-  
men muß/wegen ihrer grobheit/dasß  
der mag des medici arbeit erst thun  
soll/zu scheiden das grob vom reinē/  
das ist/ das corpus von der tugendt/  
so nimpt vnser feind der todt inn sol-  
che indutis vnnnd vertrag / die beste  
plätz vnd Befestungen ein / spargiert  
das giffte in die blutadern vñ nernen  
des marcks erschrockenlich / 1c. So  
ist wahr/dasß vor mir viel loblicher  
menner gyfftragende durchtringen-  
de media gesucht/ geschriben compo-  
sitiones / Theriacam / item den Ae-  
chridat vnd Electuarium de oro / 1c.  
Aber diserer vnserer zeit / inn deren  
bey allen völkern alles in das subti-  
list auff das höchst gestigen/ die Sün-  
de/ Eigennuz/ Vnbill/ auch Straff/



Vorred.

Krieg/Pesilēz wils nimmer angehn/  
Dann solchr receptorū compositiones  
alle zu vil mit crassa substantia verwi-  
ctlet sein/ welchs ich nun emsiglich ge-  
sucht/darbei wed meiner arbeit noch  
meines geldes verschonet/sonders ge-  
dacht/was fürzunemen/dadurch die  
antidota auch in höchste gradirung  
zubringē/auff daß sie gegē der krank-  
heit stehen mochtē. Also auß Gottes  
Barmherzigkeit mein beger durch flei-  
sig suchē erlangt vñ gfunden/namli-  
chen curā der verletzūg/das dann das  
größist vnd notwendigst. Die beschr-  
mung vñ bewarung für solchē einfal  
ist also zuuernemen/dz derjenig/wel-  
cher hind einer dickē mawr steht/etwz  
Defensionis hat/für ringes gschütz/je-  
doch so mawrbrecher/die kunstliche kug-  
len auß dē mōrsern/hagelgschitz vnd  
cornēta darwider gebraucht werdē/  
so ist die sicherūg am ende/welche das  
harnisch vñ die mawr mitgeteilt. Glei-  
cher ggestalt ist es mit præservantibus/  
welche grwislich vor aller feulung den  
corpus bewarē/dz im dise cōragio vñ  
bestis/welche natürlich geworden/nit  
wol



### Boered.

wol schadē zuzufügen vermag/doch  
dē sterckern gschosß so vñachlaßet geer  
zuring. Diser ich ausserthalb derē bal  
samischen arte/so in meinē antidoto  
ist/hierin geschwigē mererteils/Weil  
wol bekant bei auffrechtē medicis die  
proprietas vñ eigēschafft im salz/ myr  
ren/saffran/aloe/schwebel ist/Seint  
gleich wol herzliche hohe gabē Gottes/  
inērllich/dz ist/in jrē kreften wenigen  
bekant/denselbigē sag ich/so ire med  
cinē in geschribnē materien lernē wol  
len/disen finaliter im ende begegnen  
wurde/als einē vermeinten hādwer  
cker/so auß d̄ schrifft seins hādwercks  
vnterichtung one eins lebēden artifi  
cis anleitung gelernet/vil daruō plu  
deret/vñ wann ers ins werck richten/  
sol sein meisterstück thun/ist kein grūd  
da/sonders alles im Labyrinth. Die  
Alchimia so allr faulkeit ein feint ist/  
dise ist ein fürer zur natur vermögen  
heit/vñ wegen d̄ arbeit ein grossr dorn  
dē vermiedetē vñ faulē lentē für dē au  
gen/Wan sie bedechtē/dz es greiflich  
vñ sichtlich wahr ist/dz die todte abge  
storbne cörper/dz fleisch auß d̄ merzig



Vorred.

vorfehlung vnnnd gestandt zu bewa-  
ren mit grobem vermischtem balsam/  
darinn nicht das prædestinierte ele-  
mentum floriren kan/sonders alle vie-  
re durch einander vermischet sein/ist.  
Wurdents bald mit vns stimmen/  
dz vil mehr der lebendig corpus/dem  
hilff von spiritu vitæ beschicht/durch  
extractiones vnnnd separatas rerum  
essentias zu balsamirn were / wie sol-  
ches dem vigilanten vnd industro me-  
di co / scrutatori physicalium / vnnnd  
philosophiæ (welcher an allen enden  
Gott lob / vil sein) wol bekant / vnnnd  
je lenger je mehrer von Gott dem  
dürfftigen kranken zu trost offenbar  
wirt. Das ist nun dahin gesagt/da-  
mit verstanden werde / daß præser-  
uantia sein / vnd wie weit ihr vermö-  
genheit / Was des curatiff vnnnd seint  
macht zu balsamirn belanget/ so ich  
auß der Alchimia der wahren vnd ei-  
nigen philosophia naturali erlernet/  
samt des Paracelsi schreiben von  
krafft Wunne/hab ich E. G. vñ auch  
einẽ ersamen Rath gemeiner Burger  
schaffe



### Vorred:

schafft zuerzeigung meines redlichen  
gemüts/ hiemit offerirn vnd zu offen  
baren vnternomen/ dan ich (niemäts  
warhaffter anderst von mir redē soll)  
von Gott darzu erkieset / daß ich nit  
mir allein / sondern meinem vatters  
landt vnnnd freunden/ lebete/ auch in  
rechten zugelassenen guten Christli  
chen künsten mich jeder zeit geübt vñ  
oben werde/ Wol ohne rhum / aber  
mit warheit dörfte sagen / daß ich  
mehr gesehen vnnnd erfahren inn me  
dicina vnd philosophia weder vil an  
dere/ Soll mir der verdacht ohngöte  
licher tünst/ ohnbillicher weiß wider  
das gebort der liebe nicht zugelegt/  
sonders danck dafür gesagt werden.  
Ich sage meinem Gott vnnnd Theo  
phrasto ewigen danck / daß ich aller  
meiner künsten mich befrewen/ berü  
men vñ in nöten drauff verlassē darff  
die auch vor Keisern vnnnd Königen  
vnnnd allen ehrliebenden wol eröff  
nen / als einen grossen schatz / so mir  
mitgetheilet den Menschen zu wol  
farht/ Gott zu preiß /rc.



Vorred.

Bitte E. G. wolle solch mein obla-  
tion / wie sie trewhertzig beschicht /  
von mir annehmen / deren ich jeder  
zeit mit willigen diensten geneigt.

Datum Baselmense Se-  
ptembri 4.

M. D. LXXVI.

E. g. G. e. w

vnd; Burger

Adam von

Bodenstein.

Von



1  
Von componierung vnd krafft  
Gifftigender arzney.

**E**nuor ich forneme zubeschreiben das  
gewaltig Alexipharmacum / welche  
die herliche kunst Alchimia herfür  
gebracht / soll verstanden werden / daß ich  
leiden mag / so es genennet werde Therias-  
ca allein zu vermeiden irthumb / welchem  
die minder gelehrten vnd einfaltigen bald  
beyfallen. Auch deswegen / weil der Natern  
Echidna troicisci fleisch oder herz darzu  
kommen ( so vil scribenten Tyrum doch  
felschlich sein gesprochen ) welcher macht als  
ein führer aller der dingen mitlen vnd tu-  
gent / so solchem zu geschlagen werden / daß  
sie mit ein anderen so schnell den fornemi-  
sten glideren vnser leibes / sonders diesel-  
bigen / darinnen spiritus vitæ ansecklich  
sein wonung ihrer durchtringenden eigen  
schafft wegen / zu eylen / als der boltz so von  
der sennen geschossen wirdet / vnnd were  
nach vil nutzbarer / so man könnte allein ih-  
rer herken Echidnæ gnugsam haben / das  
solches genummen wurde / als das ihenig  
membrum vnnd glyd / darinn das höchste



arcanum wider aller hand gyfft/verborgen  
 sich halten/ist / jedoch wo nicht zu der gnü-  
 ge zu bekommen deren hertz/ so ist sich zuer-  
 settigen mit dē fleisch oder trenciseis / wann  
 dieselbigen præparirt nach art medicorum  
 solertium. Etliche der alten haben dise tu-  
 gent iecusculo zugeben / daß ich zum theil  
 nachgibe/weil in allen partibus frefft sein/  
 aber dem erforscher causas rerum vnd par-  
 tium animalium vsus/kompt klarlich kune-  
 bar /das jme herten die höchste krafft deli-  
 tesciert.

Ich mag glauben/ daß an gemeltter Na-  
 ter statt/die Stelliones möchten gebraucht  
 werden/das etliche der alten nicht gezwweif-  
 fet / sondern dahin gedeittet / dieweil sie  
 von Therijs/das ist / schlangen geschriben.  
 Dann je gyfftiger ein schlang / je mehrer  
 vnd dienlicher giffte zu jagen ihr fleisch vnd  
 hertz/ausserthail dem kopff/schwanz vnd  
 blut/welcher proprietet nicht zu jagen/son-  
 ders an sich zu ziehen ist. Theophrastus  
 Paracelsus im capitulo de Venenis sagt/  
 der schwarzen Nateren / so rote brüch ha-  
 ben hertz/ sey ein sornem vñ hoch arcanum  
 widers gyfft / das ist jhnd nur von dem



nammen / warumb diß werck möcht The-  
riaca Apo ton thyrion / weiß auch der be-  
stiarum gyfft widerstehet / genennet wer-  
den/vñ das ihr verstehn mögen/was krafft  
noch heutigs tags in der schlangen sey ver-  
borgen/deren vorteltern gelehrter dann alle  
thierer gewesen ( dann sie Heuam auß ver-  
heicknuß Gottes fürwizig machet vñd  
lehret/ beissen in die frucht des verbotnen  
baums/ auff daß sie gutes vñd böses erkän-  
te) Wiewol solches anweisen von iren auß  
dem Teuffel der in sie geschlossen vñ durch  
sie geredt / beschehen / So wars doch nicht  
ohne sondere vrsach / Dann der versucher  
wol wuste / daß die schlang ihme liecht der  
natur hoch/gleich wie er selbs/ begabet wa-  
re/darauß nun dise geschelschafft mit ihme  
vñd der schlangen entstanden/simile simili  
gaudet / vñd haben noch biß auff dise stun-  
de alle partes corporis serpentis merckliche  
krafft in naturalibus/zē.

Nun weiters im fornemen fort zufahren  
so folget also/ Weil præparatio rerum/ de-  
ren so nicht lang im ersten stomacho sollen  
vetharren / sondern mit schnelle in die für-  
nemisten regiones vñd partes principales/



ort vnd glider menschlichen leibs geschickt  
 werden/ von nöten ist vnd sein muß / Vnd  
 dasselbig durch den eusseren medicum/auff  
 daß der inner den fortheil habe/ solches mö  
 ge one vorzüg/geschwind fortzuschicken zu  
 den bedürfftigen/ willigen vnd attrahiren-  
 den membris / So hab ich erfahren/ daß die  
 ingredientia diserer composition/wann ihre  
 vnreinigheit gesünderet vom reinen/ ehvor  
 vnd die mittel zusamen copulirn/gleich än-  
 lich den quintis essentijs/fürtrefflich nutzba-  
 rer seind/weder wann jr grob corpus gestof-  
 fen vnnd mit ein andern vermengert wird/  
 Derhalben sömliche zubereitung/scheidüng  
 des vnreinen vom reinem/auch was hand-  
 arbeit zu solcher bedürfftig / inn folgender  
 schreibung ich mir fürgenommen. So ist  
 mir auch nicht vergessen / daß solche berei-  
 tung/zeit vnnd fleißige arbeit/wackere au-  
 gen/ohnuermiedete hende haben wil vnnd  
 desiderirt/zu vollenden dieses werck/Es ge-  
 tröstet mich aber der ohnerschöpflich nuke  
 der darauß erfolget/ vnnd daß es dennocht  
 nicht so gar lange zeit biß in die zusammen-  
 setzung will haben/ vnnd auch daß es balde  
 ad vsum hernaher transferieren sich las-  
 set/



set / Da lasse ihme der artist eben sein / als  
wann er in Italia Theriacam Galeni di-  
spensiern wolte / allda so muste er alle sim-  
plicia drey oder vier Monat beysammen  
gelegt / auff einem disch haben / der innlen-  
dischen vnd frembden iudicium zu erwar-  
ten / Vtrum dieses oder das ihenige das  
rechte ingrediens sey / so silt etlich hundert  
jaren der Griechen Rhetoꝝ vermeinet ha-  
be / Etwann auß mißuerstandt etlicher  
freittlinen abermalen zehen oder mehr ta-  
ge muß expectirt vnd stillgestanden wer-  
den / dann ist diß / dann ein anders / Einer  
wil haben Scordium / Ein anderer Scor-  
piuros / Ein anderer alleum agreste / Ein an-  
derer Polygalum / vnd also mit merern din-  
gen / die nit der substanz / weniger der form  
vnd krafft / sondern die Grammatic / das ist /  
das ethymon vocabuli nachforscher sein .  
Dann gehets also zu / ob Bezaar bedeuts-  
te alles gyfttiagendes / Methridat / driar /  
ꝛc. Oder ob Serapio rabi Moyses / den  
stein so grünfarb inn eines thieres gallen  
gewachsen / gemeinet. Oder ob es der  
stein so inn des hirsen oculis produciere  
sey / wie derselbig von dem Euax inn dem



Lapidario verzeichnet / Oder ob Bezaar  
 das Galbanum / oder Galbanum das Be  
 zaar / nach der lehre Andromachi / Galeni  
 vnnnd anderer solcher leiten / ja wans lang  
 hin vnd wider / auff vnd nider erwegen / di  
 sputirt vnd geschoben / wird zu lest (in der  
 stille gesagt) zu zeiten ostrutium transplan  
 tatum / oder polygalon / vnd dergleichen da  
 rauff / so ist ein concordia / die mit der cym  
 beln außgerufft wirdt: Dann der könig  
 lich stein lachryma cerui ist vil zu köstlich /  
 wenig wurden ihn bezalen mögen / als Al  
 mirama / der ein grossen Palast zu Cordu  
 ba für ein stein Bezaar verdauscht / wann  
 Serapij schreiben nicht daige byren sein.

Inn diser aber vnserer beschreibung ges  
 hets ohne disputirn stracks fort / Die erfah  
 rung / præparatio vnd perfectio der natur  
 helfferin ist gegenwertig / Es werde die in  
 gredientia mit denen nammen fürgestellt /  
 das menicklicher Medicus / ohne ferners  
 vnd vberflüssigs zankens / suchens / ohne  
 scrupuliert solchs gar wol verstehn kan / in  
 bedenkung / daß der schöpffer allen Landt  
 schafften vnnnd Völkern ihre notwendig  
 keit erschaffen / denn so wir wolten / were  
 vns



vns die pimpinella Teutscher Ingber/2.

So wirt allhie alle handarbeit warhafft  
ringuerstendig / was von nöten ist propo-  
nirt/ist darzu nicht von nöten vil anzal jar  
zuwarten priusquam vsui administretur/  
Wirt solche composition recht zugerichtet/  
so ist sie alß bald nutzbar / Versich dich nur  
mit viperis oder frischen trociscis/simplici-  
bus / wenig honigs / nicht viel gesottenen  
mosts / aber guten essentijs / Vnnd daß du  
das zugehörig temperatum / deren ich die  
drey vermelden / wol anschieckest / so kanst  
auß rinden / wurzen / lachrymis / freilthern/  
blümen / succis / samen / solches zuwegen  
bringen/2.

Zuor hab auch der zeit eben achtung/  
in welcher virtus radiceis soist in primo gra-  
du sich erfreue. In welcher folia der gra-  
du secundus. In welcher flores der gradus  
tertius. In welcher semen der viert vnd ab-  
solutus gradus / welcher durch die hitz vnd  
werme der Sonnen reuerberirt vnd perfi-  
cirt ist im höchsten gradu seines geschlechts/  
ist die tinctur vñ quintum esse aller gewäch-  
sen so auß der erden kommen / das die erfah-  
rung bringet vñnd Paracelsus gelehret.



Weil nun das semen das edelste ist des gewachsnens / vnd ohne samen nicht wachsens / nichts geboren noch gemehret wird / so lasse dir zu erbauung der gesundheit die semina mehr angelegen sein / weder deß so in minori gradu stehet / doch jetliches zu seiner zeit / dann keins lár ist der tugenden / als von der vipera hieoben gesagt / 2c.

Verschaff daß die radices zu stundt als sie auß der erden genosñen / mit frischem wasser wol gereiniget nachmalen (wans die arbeit erforderet) am lufft getrocknet seyen / Also die bletter vnd blumen vnd samen / an einer reinen stell im schatten gedörret / Die lachrymæ oder gummi in guten distilliertem aceto / in einem glesin gefeß vnd balneo maris / macerirt vnd weich gemacht / von dem inconuenienti vn̄ zu lest aceto aller dingen abgesonderet / das da nichts geruches der fetire verbleibe / alsdann so bist versorgt wie dir zusstehet mit guten speciebus / vnd ist

### VIRIVM

### EXTRACTIO

Daß du nimmest die wurzen / kraut oder frucht / deren essentiam zuhaben begerest /



rest/gedört oder grün/ zerquetst/ zerhackest  
oder schneidest/in ein behalter thuest/daran  
ein gut theil wasser / lass eschts wol sieden/  
Dann die brüe behaltest / ander wasser vber  
materiam gießest/wider kocht/daß also offe  
repetirst / biß du die krafft der begerten oder  
eingesetzten materia aller herausser gezo-  
gen/ So mach auß den fecibus nach Spa-  
girischer kunst ein köstlichs salt / Die ab-  
goßne wasser lass durch wulline band lauf-  
fen / damit alles ohnreins dahinden blei-  
ben müsse / vnnd nur die krafft im wasser/  
lauter/clar/weiß/pder citrinisch erscheine.

Solches laß einsieden / je von einem gröf-  
seren geschirz inn ein minderes / biß aqua  
affusa vnnd innata genzlich euaporiert /  
vnd die essentia zu einem robuck/daß wann  
es erkaltet/wenig dicker dann honig anzuse-  
hen/ Vnd mag solche endische decoction  
durch euaporationem/ kornlicher nicht zu-  
gehen / dann im vitro vnnd balneo

Marie/ jekund wird die descri-  
ptio tractiert wer-  
den.

B iij



## ALEXIPHARMACI

Adami von Boden-  
steins.

R. essentia: Rhabarbari.

Angelica:.

Gentiana:.

Interioris corticis radicum su-  
mach.

Peucedani.

Zedoaria:.

Hyrundinaria:.

Valeriana: ana ʒ iij.

Pimpinella:.

Rhapontica:.

Aristolochia: rotunda:.

Acori.

Yreos.

Allei.

Inula: campana: ana ʒij.

℞s. Tormentilla:.

Aaronis.

Costi amari.

Ostrutij.

Doronici.

Dyptami.

Bi-



**Gyfftagender arznei.**

Bistortæ.

Rubeæ tinctorum an. 3j.

Agarici.

Testiculi castoris an. 3j. s.

Succi Hypocistidis.

Liquiritiæ.

Accaciæ an. 3j.

Succi Opij 3vj.

Storacis liquidæ 3. s.

Fr. Carpobalsami.

Cubebæ.

Cardamomi.

Piperis longi.

Piperis rotundi.

Maceris.

Cinamomi an. 3ij.

Seminum Calamenthi.

Dauci syluatici.

Rutæ.

Præsiij albi.

Petroselini.

Nasturtij.

Sinapis albi.

Apij.

Sileris montani.

Napi.

Von componierung vnd kräfte

Amomi.  
Anisi.  
Foeniculi.  
Cornu cerui an. 3 j. s.  
Melissæ 3 ij.  
Hypericonis 3 s.  
Folior. Malabatri.  
Camedryos.  
Cornu cerui.  
Camepitheos an. 3 j. s.  
Flor. Spicæ Celticæ  
Spicæ nardi.  
Squianti.  
Crocī an. 3 ij.  
Prunellæ.  
Origani.  
Rosarum rubearum,  
Hyslopi an. 3 j.  
Hypericonis.  
Centaureij an. 3 j. s.  
Lach. Arabici.  
Masticis.  
Galbani.  
Opopanacis.  
Bdellij.  
Serapini an. 3 j.

Myr.



Myrrhæ rubæ.

Thuris albi an. 3 j. s.

Storacis calamitæ 3 iij.

Aspalathi 3 j.

Carnis coctæ contusæque ex vipera 3 s.

vel eius vice trociscorum 3 vj.

Terræ sigillatæ 3 ij.

Cassiæ lignæ 3 ij.

Liquoris rubeorum corallorum

3 j. s.

Margaritarum resolutarum 3 j. s.

Olei colchotaris rectificati 3 j.

Essen. Scyllæ so auß der wolgebratnen zer  
quetschten zwiblen / durch sein angehö-  
rig temperatum gezogen, 3 iij.

Sapæ odoriferæ ex musto optimo  
3 vj. aut quantum satis est pro dissolu-  
tione specierum.

Essentiæ de baccis iuniperinis

3 ij.

Mellis virginei despumati lib. iij.  
vel quantum satis erit, daß zu jeder un-  
cia dieser specierum gehörn ohngesahr-  
lich 3 j. mellis.

Verwundere dich nicht / daß der mate-  
rien jede / darauß essentiæ zogen sollen wer-

den/so ring ime gewicht beschriben / Sonders erbarme dich selbs / daß dein kopff nie kan verstehen auß hochfart/daß er aber kün den solt in demut / die vrsach ist dein / nicht mein / ich hab dem so lehren will gnugsam gesagt / dein ist der vnuerstand/der du die adplication vnd des temperats so zu solchen dingen gehörig nicht gestudiert hast / Aber such such vnnnd bescheme dich zu lehren nichts/dann wirst ein Doctor sein andere in den geheimnissen der natur auch zu lernē / Sonst kompst in die medicin als die reuber ins hauß gehen: das ist/bey finstere nacht/da alles verduncklet/vñ zu dem dach hinein / das ist daß du hoch gehalten werdest / da aber dem weysen geföllig demut vnd hilff/welches der weg durch des dñren gestell/der natur nach/ist vorzunehmen.

Wann diese ding inn gewicht / maß vnnnd der zeit / wie forma recepti vnnnd anders vermeldet / dann hast die gewaltige composition / so würrlicher auch mit ringerm gewicht/weder des Königs zu Ponto Methridatis/welches description Pompeius in seinem syg vnd victoria wider die stat Bosphoras vil höher/ vnd solche zube-  
komo



kommen geachtet mer/ den daß er den groß  
mechtigen Persier könig/ Mithridatem vñ  
die statt Bosphorum eroberet/ Grosse freu  
de sach man/ wie Leneus von Griechischer  
zungen zu Latein solches Mithridats de-  
scription vertirt ihme Pompeio vbergab/  
dieweil ihme zuuor angesagt/ daß der Me-  
thridates gyfft inn sich gefressen/ damit er  
verhofft seinen todt zuerholen/ auff daß er  
dem Römer nicht lebend inn seinen gewalt  
würde/ des aber nicht platz bekommen/  
weil er zuuor seiner gyfftigenden medicin  
also vil eingessen/ daß ihme der magen stür-  
net worden/ auch gyfft zu concoquirn/ als  
Plinius vñnd andere geschrieben/ In sum-  
ma/ diser König Mithridates ein grosser  
starcker heldt/ ein stürreessenlicher erforscher  
natürlicher dingen/ als er sahe daß nichts  
mehr helfen kont zur rettung/ sonders ver-  
reterey so auff Pompeij seiten zu starck wi-  
der jne/ gab er seinen kindern/ weibern vñd  
Rebßweibern gyfft zu trincken/ ihme selber  
auch/ Dise starben alle/ jedoch an jme war  
es vergeblich/ Do sande Pompeius ein  
Römischen ritter/ welcher ihn erschlagen  
solt/ Aber so bald er Mithridati gewar

ward / eines solchen stattlichen Manns /  
 der sechs joch oxsen zu regieren starck ge-  
 nug was / hatt sein hertz ein erschrecken / das  
 rüber Methridates ihn anrette / O Rit-  
 ter hettest du so viel mannhait mich vmb-  
 zubringen als ich dir zuhalten / das keme  
 dir wol / hiemit greiffende zu dem weehr des  
 Römers / ihm helffende / daß er vmbge-  
 bracht werde / 22.

Diese Hystoria ist deswegen fürgehal-  
 ten / damit des Königs ernst zu dem todt er-  
 merckt / vnd wie starck sein antidotum ge-  
 wesen werde / folget also weiters im fürge-  
 nommenem

### PROCES

Zu behalten des menschen ge-  
 sundheit.

Soll alle morgen eins scrupuli schwer in  
 spiritibus vini gar ein wenig eingenom-  
 men werden / oder an dessen statt für sich  
 selbs oder in gutem natürlichen wein / das  
 sicheret vor feule vnd vilerley zufal als bala-  
 samus /

Dem



Dem angefalnen von Peste Pleu-  
resi/Anthrace/Giftiger  
thierer biß.

Solle als bald solcher morbus befunden wirt / inn schaudern / frost / hitz oder schuß / mit gutem wein / vel aqua Melissæ ein halb lot/weniger oder mer administrirt werden / (die quantitas lasset sich nicht fix præscribiren/sonders muß ordiniert werden nach natur vnd alter auch gelegenheit des patienten) dann leidentlich warm bedeckt sein/vber die fünfft stund nach ein dosim/vber vier vnd zwenzig stund aber eine/ Also haisset dieser heilig(iuxta paritiam) Ist es dann der Rottlauff / die commistio der salzen / so ist an erster dosi genung / Dann vber sein centrum Weyrauch vnnnd Myrrhen mit wein vnnnd essich angesotten / warm gebunden / damit geschwulst / hitz vnd röte außzogen werde / wie sein capitulum inhaltet/ꝛ.

Vnnnd lasse sich niemandes bekümmern die ohngerheumpte rede / daß böß mit bösemcuriert muß sein / Es seye darzu kein medicin wider Pestes / die nicht inferius re venenum / dasselbig werde nachma.



len von nöten sein außzutreiben durch dia-  
phoenicon vnnnd dergleichen / 22. Dann  
das gyfftiagents / gyfft sey / gestehe ich nit /  
nisi ratione administrationis / vnd dieweil  
omne nimium naturæ aduersum / so muß  
dosis obseruirt sein / inn gutem vnnnd allem  
Stech in rechter maß / gewicht vñ zal / darin  
die welt geschaffen / vberal / Setzt sich je-  
manden voll weins / milch / bier oder was-  
ser / heisset gyfft / isset etwan zu vil brot / heis-  
set gyfft / vnnnd je mehrer solcher excessus ge-  
triben vnd continuirt wirt / je höher follich  
dyspesia steigt / ist nun recta ratio habenda  
in quantitate substantiarū? wie weit fleissi-  
ger in formalischer reinen substanz / do al-  
les tanquam spirituale corpus penetrirt / 22.

Daß nun purgationes bißanher nach  
den Alexipharmacis eingeben / ist auß ein-  
falt vñ ignorantia der alten arket herkom-  
men / da einer von seinem ersten solchs ge-  
höret vnd in seine scripta gesetzt / also succes-  
sionis tempore / einer nach dem anderen ab-  
geschriben oder gelehret vnnnd irgangen  
mit seinē ductore Monnoculo / onbetrach-  
tet rerum causas / Ach mein purgatorium /  
was? sollte es dem Alexipharmacō seine vi-



res reprimieren künden? das were ein schöne krafft/ wann hierüber scammonia auch turbith in ringem gewicht zu herschen vermöcht? Der medicus wirt dich je mit pfunden nicht eingiessen / sonst hette er mehr wider dich den intestinē zu helfen zuschaffen / weder bubone pestis sich zu widersetzen / Disz bedenck medice/dieweil all vnser flugheit dahin gerichtet/ein Antidotum zu bereiten / daß sich mit nichten saumen soll in proximo stomacho / viel weniger zu den excrementis in visceribus ventris gesellen/ derhalben sein efficacia nicht dahin/ weder im aller nidersten gradu gefunden mage werden/ Vnd demnach wissend/daß vnser thierische augen nicht künden in dē leib hinein sehen/weil er bey leben / auch nichts in dem todten das dem lebendigen zu gesundtheit hilfflich sey/ so ist nützlicher wie beuehlt den virtutibus reru n solches/ da je eines seines gleichen findet vnnnd rettet/ Sie aber möchten die localische Anathomisten erzörnt werden / doch ohne beweisung daß ihnen vrsach geben/weil ich auch anathomia sed essatam auffwerffen/Welche/wann sie zörnent so vil als ich erfahren



vnd gesehen/erfahren vnd lesen heisse / vnd  
 nit zulass/das sie de re ignota iudicirn solle/  
 Hiezzwischen ich sie weise ad modestiā/das  
 sie nicht in meinem abwesen heraussen plap  
 pint vnd an denen enden so ich nit zugegen  
 sagen/ich mache meine medicamenta in mas  
 sen als sie ihre/in vnweisheit wirts geredt/  
 derwegen ich sie in das erst buch medicorū/  
 welchs ist der schlüssel vnd heisset/die forche  
 Gottes sey anfang der weisheit / diß lernet  
 zu deñen die hoffart/ den neyd/die gall/die  
 anfechtung der kindischē leute in re medica  
 So sie vber Alchimiam mit ersparter war  
 heit außgiessen/der knod am faden muß an  
 dest knipt sein damit sie die warheit zu ver  
 naen vnterstehen / sonst wirds ihnen alles  
 mißlingen / auch ihnen noch mehr patien  
 ten in kirchhof entgehen/

*Tecum habita, ut horis, quam sit tibi cura suppellex.*  
 Wann jemandes wolt diß beschribē Alchi  
 mistisch medicamentum/ erstreckē/das mer  
 geistlicher / subtilirt vnd schnellerer opera  
 tion würde/ Der neme die vberblibne feces/  
 exiccirs/ adurirs zu aschen/ addir distillirt  
 wasser/sez zu sieden/damit die bitterkeit als  
 le in die wasser komme/dann laß durch wul  
 lin



lin ende lauffen/das durchgelauffen im balneo maris euaporir / so refirt im boden des gefeß ein fal alcali/daruan vermengt fünff gersten körner schwer/vnter einen scrupulū feins spiritus gibt ein gewaltige doſim/auf diaphoretische art / deffen ich mich in febribus curadis ſo ex oppilatione herkommen vil erfreuet vnd behoffen hab.

Es mag ſich ein medicus ſein billichen (welcher des franckē ſchmerzens ſich erbar met) beſrewen/dann er wird finden ein ſolches / darin jmmte ſein emolumentum folget/weit vbertreffen Methridatis/Conſtanti/ Scrapionis / Aſis/ Hali/ Placentini/ Albucasi/ Guanerij/ Arnoldi de villa Noua/ Galeni/ Andromachi composition vnnnd Theriacam/Vund weil in forma recipe ich etwas wenig de ſuccis gemeldet / darauß wol zuuerſehen daß ein differentia zwifchen ihnen vnnnd den essentijs / Soll auch den medicum nit wunderen ob Gott will/ der weiß das jenige ſo er wiſſen ſoll / ich hab vor dreyßig jaren ein groſſen vnderſcheide hierinn erkündiget / alß mir essentia centaurij/ Thaſſi vnnnd Gentianæ inn desperatis ictericis viel mahlen



zugesprungen sampt anderen simplicien /  
 Allda gewiß die succi das feld verloren / dē  
 streit vbergeben gemießt vñnd mich verlas-  
 senhatten.

Es ist Paracelsus auß Gottes fürs-  
 hung der erste mann / so den rechten grunde  
 Physices / Philosophiæ vñnd aller guten  
 künsten nach der natur ordnung vns wi-  
 der herfür gebracht vñnd beschrieben / kom-  
 men / welcher nun gesehen varietatem capi-  
 tum / also daß nicht jeglichem geben aurum  
 potabile / oleum oder saltz des goldes zu  
 erlangen / etwann mangel an gelt / an ver-  
 stand oder vngelegenheit / item das anti-  
 monium vnd corallen in ihr höchste vermö-  
 genheit zubringen / derhalben die groesse  
 compositiones gelernt in nach weit subti-  
 lere krafft zusetzen / das leichter zu verstehn /  
 vñnd zu ihnen ein guts flüchtigs alcool vi-  
 ni gossen / wann das gefesß dann Hermeti-  
 ce versiglet / mit ein andern zu digerirn hine-  
 gestelt den Monat lang / So ist die virtus  
 compositi in das temperatum gangen / das-  
 selbig abgesünderet vom corpore / vñ dann  
 lassen cuanescieren / ist vis antidoti residirt /  
 ein vngleubliche spiritaalische krafft / wel-  
 che



che nimmer bey den drachmis/sonder granis administrirt wirdet.

Weil nun alle geschöpff inn den dreien substantien/das ist/Mercurio/Sulphure/Sale stehn/hat er den menschen als Microcosmum wol erwegen/das er sammenthafft in ihme in einer kleinen haut beschloffen/alles so Macrocosmns die ganze welt vermöcht/weil solcher homo auß allen createn energijs erschaffen/derhalben vhnüttlich das sein fleisch/blüt vnd gebein nicht einer sonderbaren krafft vnnnd mehrer tugend sey dann anderer creaturen/wie wie dann auch wol alle wissen/das kein marck/schmalz noch bein anderer thieren dem menschlichen verglichen mag werden inn der medicin/vnnnd hat gelernet die Theriacam inn ihre exaltationem zubringen/des ich hieneben erzehlen will allen arzten vnd frantzen zu gutem/vnnnd dem ist also.

Sich haben vil bemühet in den experimenten/compositen vnd recepten/dardurch sie haben vnterstanden ein jetlichs gyfft auß zu treiben/also auff ihren weg etwas/doch nicht zu dem höchsten/hilff erlanget/So erfindet sich inn allen recepten vnd experi-



menten/in *MUMIA* DIE HOECHST  
 KRAFT FVR ALLERLEY GE-  
 SCHLECHT DER GIFT/vnd ist der  
 proceß/das ansecklich *muſſia* vnd *oleum*  
*oliuæ* zuſammen gemiſcht/ in d' putrefaction  
 vier wochen geſtanden / alſd dann ſepariret.  
 In demſelbigen auff j. pfund/theriacæ vj 3.  
 genommen/abermalen laſſen mit einande-  
 ren einē monat im ſudt digerirn / volgentſ  
 hinzugemiſcht gutes byſems ein quintli /  
 ſo iſt Theriaca de Mumia gemacht.

Dieſer ſoll in der geſtalt genommen wer-  
 den / Nämlichen zwey lot inn einem guten  
 trunck olei amigdalarum eingetruckten /  
 warm darauff nider gelegt/vñ die medicin  
 laſſen operirn/in ſolcher geſtalt/wird dʒ mi-  
 neraliſch auch d' tieren giſſt ſo es eingenom-  
 mē außgtribē/ Vnd iſt ſeine tugēt vñ krafft/  
 wanns alſo eingetruckē vor dem vnd das  
 giſſt eingenommen iſt worden / denſelbigen  
 tag (oder alle morgen j. quint.) zu ſieheren.  
 In den giſſtigen Apoſtematibus/Peſti-  
 lens/Carbunculo/Anthraxe/Pleureſi/ſoll  
 j. quint eingenommen werden/vber die ſechſte  
 ſtūd aber j. quint/wʒ die ſechſte ſtūd erreicht.  
 Den andern trunck einzunemmen/das kompe  
 mit



mit Gottes gnaden derselbigen franckheit auff. Vnd seind sonst vil franckheitē/in welchē Theriaca mumiata ein ganze cura ist.

Es hat gemelter Paracelsus die curam, vnnnd præseruierung nicht nur von Mumiata Theriaca allein / sondern auch daß dise in præpariertem gemeinem schwebel beschaffen anzeigt / da nichet gebreite weder eines artistem fleiß in artificiosische separierung von schädlichē anhang / Derwegen mir geföllig sein wollen / solche zubereitung/tugend vnd gebreiten gemeltens mineralischen schwebels/wie dise Paracelsus beschriben/ vnd die ich gar offft gebrauchet vnd noch zur zeit brauchen/euch an dieses ende zu sehen / Lasse mich den vnuerständ auch ohn warhaffte diffamation gar nichet abwendig machen der jungen / Die etwan gelerte juristen beschwehen künden/sie sollen sich schwebel zu essen verhüten/dann sömlicher gebrauch in allweg von den alten verboten/ vnd sey gyfft/ 2ē Sage ich als einer der die alten sandtegebew mit ihrn riegelwenden vnd auch des so sie guts haben wolbesichtigt/aber befunden / daß die jungen snē vnrecht die vernichtung sulphu-



ris zugelegt / vnnnd sie nicht gelesen haben.  
Vnnnd darmit das ohnpartheischen zuwif-  
sen werde / daß die alten dennoch nicht al-  
so ohnuerschampt gewesen wie die jßigen  
ihre jungen / so will ich anzeigen was diesel-  
bigen vñ schwebel geschriben / als alle freu-  
terbücher / insonderheit Dioscorides peri-  
thiu / von welcher Galenus redet Hiper-  
hapanton hutos vdeni / Den schwebel sub-  
tilirt / zeucht an sich / treibt auß vergyfft ein-  
genommen / ist gut für pestilens / vertreibt  
den eyter so lang auß der brust gelegen / ist  
wider pleuresim / benimpt husten vnnnd fei-  
chēre. Vnd als bald die wort Paracelsi her-  
bey / so also lauten: Kaw soll schwebel in die  
arkney nicht gebraucht werden / allein sepa-  
riert von den fecibus / alsdann so ist er ein  
treffentlich arkney / Nämlich so er von Aloe  
pat:co vñ myrrha eleurt wird / zu dem an-  
deren oder drittē mal / so ist er ein solchs pre-  
seruatiff wider die pestilens / auch pleuresim /  
allen geschweren vnd feulungen des leibs /  
also so er eingenommen wirt zu morgen /  
daß er desselbigen tags kein frantzheit las-  
set einfallen / pestilens / pleuresis oder derg-  
gleichen anderen geschweren / sonderlich  
mit



mit dem recept geordnet/Recipe wolbereits  
schwebels als gemeldet zechen vncias/ myr  
rhe rubee anderthalb drachmas/ Aloepati-  
ci ein vnciam / croci Orientalis halbe vn-  
ciam/misce fiat puluis.

Nun wisseth so er vom Vitriol eleuire  
wird etlich mal ( je öffter je besser ) so ent-  
pfacht er die essentiam vñ spiritum vitrioli  
in jm/ als dann so ist er ein presernatiff inn  
allen febern vnd cura in allen husten/alten  
ten vnd jungen/ mehr dann zu schreiben ist  
oder zu eröffnen inn einem büch / Er ist ein  
preseruatiß in der fallenden sucht/ vnd cu-  
ratiß inn der jugent / So ist er teglich ge-  
nommen ein conseruatiß aller gesundtheit/  
beschirmt dieselbig daß jr nichts widerwer-  
tigs einfall/ In gemeinen hendlen ist er ein  
recht fertiger der wein / also daß alle wein  
durch ihne in solcher gestalt bereit/ ganz ge-  
sundt vnd frisch erhalten/gesundt den men-  
schen zu trincken/ Aber rauw/in keinen weg  
einzunehmen / vñnd ist ein solch stück zu  
dem wein/das nicht möglich ist etwas vn-  
reins im wein zu bleiben / daß sich nicht vñ  
wein ins leger schlach/ Vñnd alle wein die  
mit ihm prepariert werden/ sind dieser art/



daß sie nicht gries oder sandt geben / Oder  
den schlag / Oder einigerley geschwerflüß /  
husten oder dergleichen / auch kein feüle /  
Dann sein arcanum ist dermassen (so er be-  
reitet ist wie gesagt) daß seines gleichen in  
einem anderen nicht mag gefunden wer-  
den / Darumb so merckend auff den mine-  
ralischen sulphur / daß er nicht nur ein mal  
soll bereitet werden / sondern vil vnd offma-  
len / so verleirt er alle feces / gysstigkeit vnd  
alles was nicht soll / vnd bleibe allein da  
das perlin / daß da die höchste arkney ist zu  
halten / Vnd ist zumercken daß vilerley sul-  
phura sein in farben / als gelb / noch gelber /  
rot / noch röter / braun / schwarz / weiß / grün /  
Aber mercken in disem allem / daß kein farb  
nuser ist als allein die gelben in medicin /  
Vñ *IE GELBER AVF GOLDFARB*  
*IE BESSER / IE GESVNDER*, Die  
anderen habē vil in jnen vom Arsenico Re-  
algar vnd dergleichen / darumb seind sie zu  
scheuhen in der arkney / Was aber die Al-  
chimey antrifft / seind die anderē besser von  
wegen der impression so sie von solchen re-  
algarischen spiritibus haben.

Es ist nit minder / der sulphur vertreibt



zitrachten vnd dergleichen die geflecht auf  
serthalbē am leib/ vnd da sind die wenig ge  
ferbtē besser als die rotgelbē/ von wegen der  
subtili der arsenicalischen geister/ Vnd so  
solche schwebel sublimirt werden vō vitrio  
lo/ sale nitro/ sale gemme/ alumine plumoso  
etlich mal/ als dañ so sind sie dermassen sub  
til/ daß sie ein zitracht/ flechten/ serpiginent  
hinweg nehmen vom grundt vnd wurzen  
auß/ Das ist ein groß kleinet/ vō aussen hin  
zunehmen das inwendig sein vrsprung be  
kompt/ vñ soll von innen herauß gebracht  
werden vñ geheilet/ Also seind do magneti  
sche krefft vnd art die nit gnugsam können  
aufgelegt werden/ dañ allein durch die groß  
erfarenheit der Vulcanischen kunst/ dann  
dardurch befinden sich solch groß wunder  
barlich miracula in den krefftē der natur/  
Darumb so wisset vō schwebel diese eigen  
schafft/ wañ er gradirt wirt/ so ist er dē men  
schen ein treffentliche gesundtheit/ nit allein  
eingenomēn/ sonder auch sein rauch prefer  
uiert vnd conseruiert wie gemeldet ist / mit  
addition von meistermurkē / krammatbeer  
wein/ rosmarin/ &c.

Hierin haben ihr abzunehmen daß Pa



racellſi addition mumix / nicht nur gepüret  
ret ein volkomne medicin zu widerſtehn al-  
lem gyſſt ſo durch eſſen oder trincken einge-  
nommen worden / Sonders auch der ver-  
gyſſten thieren biß / alß ſeind raſender hun-  
den / ſcorpionen / ſchlangen / ſpinnen / vñ nit  
wenigers diſen franckheiten ſo auß ohnge-  
meſſen vnd vndewigem tranck vnd ſpeyſe  
entſtehn / Da andere dreierley medicamen-  
ta vnterſcheidlich beſchriben vñ von Aſcle-  
piade Thriar genennet worden / Alß Atha-  
naſia / Ambroſia Macedonis / Antidotū  
cy ſanguinibus / ex Scynco / 2c. Derhalben  
billicher (ſo wir alß Galenus vergebenlich  
geſchwezt wolten treiben obs Theriaca /  
Oder mit den Arabibus im labyrintho ge-  
hen / obs Antiochi / oder Diateſſeron / oder  
Ruſticorum genennet ſolt werden) weils in  
allerhand geſchlecht der gyſſten gut / von  
vns es ſey Alexipharmacum geſagt wird /  
Es expellirt venena vnd ihre verlaſne acci-  
dentia / ſeparirt colores corroſiuos / ſo auß  
eraltation ſich zuſammen vermiſchet / dar-  
von die alten gar geſchwiegen / vñnd wie ſie  
ihre medicamenta wider die frucht / das iſt /  
ihre franckheiten ordiniert / iſt mehr böſes  
dann



Dann gutes dardurch erfahren worden /  
Niemanden hat artzney wider die witterung  
oder carfunckel gewiſt / weder allein durch  
purgierung / epythimierung / erkeltung der  
lebern / jungfraw milch / kaltgoſne laugen /  
das aber alles eben diſer cura widerſpyl ge-  
weſen / 22.

Nun zu dem ſirgenommenen widerumb /  
Wann jezt ein gefährliche zeit ſchir in al-  
ler Europa / vnnnd ichs bedenck / will ich den  
ſtudioſis medicis vnd auch den armen pa-  
tienten den proceß gencklich anzuzeigen wie  
der peſtilentis entgegen zu gehn mit den A-  
leripharmacis minoribus / (dieweil nicht ei-  
nem jeden ſolche gaben verlyhen / daß er  
ſulphur mineralium bey handen hat) niche  
verhalten / Wann ihr haben dererley A-  
leripharmacum / vnnnd ſeind beraten mit  
attractiuo ſpecifico / Es ſey die groſſe con-  
iunction gummorum / oder ſchlangen zun-  
gen / oder außgedörte froſt / euſſerlich auff-  
zulegen / das gyſt außſer zu ziehen / Auch  
antracem zu demmen / die accidentia abzu-  
wenden / ſo haben ihr was euch gepüret /  
Es ſoll hieneben ein gewiſſer troſt vns ſein /



wann wir finden im neuen oder alten Testament auch den heiligen vnd propheten/ etwas die medicina vermeldet / daß solche medicamenta fürtrefflich gut sein zu der gesundtheit / deß exempel ist vom Thobia / welchen der engel Raphael vnterweisen/des fisch herg/gallen vnd leber zu nemmen vnd mit der zeit als ein medicin zu gebrauchen/ darmit Thobias die fleckē der augen hingenommen/2c. auch noch heutigs tags fisch gal len vber neutham oculorū gebraucht wirt. Dergleichen in anthrace ein grosses exempel/dann Anthrax die pestilēz blater/ freßtiglichē brennt/mercklichē schwecht ( wie dar nit nur ein wunden wehtag bringt / sonder auch accidētia/wundsucht/glydwasser/feulūg/warcken vñ dergleichen/ja auch dē tode einbringē zu zeitē)vnd etwan von sich selbst steht etwan auß krafft der medicin in superficie getriben/Etwan mer onmachten intro ducirt/wed icus fulminis/vulnus oder bubo vel glās corporis humani selbst/darüber sollē gelegt werdē sachen die rodentē dolorem hinneimen/ vñ ist nit das geringest medicamentum/ficus maturus/das der heilig prophet Esaias den medicis vñ astantibus Hizziahū beuohlen zugebrauchen/nämlich

chen



chen/das sie irem francken König anthracē  
re vlceri soltē ein massam ficuū emplastrin/  
dardurch er gesunde wird/weil in solchē na  
türlichen fruchten / zu eusserlichē gebrauch  
ein gwaltigs mitigatuum/aturatuum vñ  
resolutuum ist / ein süß starcks salt/welchs  
ex virtute anodina herzliche operationes er  
zeigt/ Mit das sonst in keinē andern simpli  
ci gesundē werde dergleichē facultates/ dan  
auch in andern fruchtē/ freüttern/ blumē vñ  
wurkeln / die natur solchs gelegt / Es mag  
mosus gallinē cū flore albo pistirt vñ darit  
ber emplastrirt werdē/ itē zu zeitē wolgebrä  
te gßosne zwiblē/ vñd anders/2c. So seind  
die berē vñ bletter aconiti pardalianchis ein  
bsöders arcanū in anthracē/ tregt dessē sein  
agnatizte signatur mit sich/ein rechtschaf  
fēs simplex zuentschleffen die his phlegoni  
tis/ Also auch die species solatri soporiferū  
innatū beweise zu jed zeit/Diß sind gewalts  
tuge gabē Gottes/welche durch anodina spe  
cifica nit die tierische frest des menschen/  
sönders den morbum ohne zerstörung sen  
suum hominum ruhen machen / Vñnd ist  
diese heimlichkeit vor Theophrasto / als  
ich glaub / nie publiciert worden script  
Wann gleichwol herfür gezogen wer  
den



Anodina/Parigorica/Praunitica vñ Hy-  
 pnotica/ Athanasia vnd Antidota/ welche  
 alle das corpus humanū in stuporem vñ so-  
 porem administriert in altem firschreiben/  
 gebracht/ Auß welcher gebrauch horrenda  
 homicidia/furta/vñ noch bößere sünde be-  
 schehe/als Abbas Tritenheimius Span-  
 heimensis vermeldet vnd wol zu glauben/  
 Es soll aber jetlicher medicus gedencke pra-  
 uis omnia praua/doch sich hüten von abo-  
 minationib.vnd was der consciens vñ nu-  
 tze dem negste sein mag fürnehmen zu jeder  
 zeit/ Derhalben soll er das arcanū der sim-  
 plicium vnd dasselbig eusserlich auch so es  
 von nöten innerlich in leeb administriern/  
 alsdann wirts ein medicin ime / gleich wie  
 Hiskiahū / weil der alt Gott Israels/wel-  
 cher Ysaia beuohlen/erstlich den todt/nach-  
 malen angeboten die barmherzigkeit dem  
 König zu verkünden/immerwerend ist/ih-  
 me sey ewig lob vnd preiß / daß er vns ver-  
 leihe die kleiner welt durch die grösser zu er-  
 kennen/ die geschöpff in ihr erschaffen ende  
 zu perficirn in disem grossen Spittal.

*Datum ex nostro & amicorum Musao Sep.1.*


1576.

Ende .:



Spä  
che  
so  
en  
nda  
bea  
ana  
en/  
pra  
abo  
ma  
eder  
fina  
es  
ren  
wie  
wel  
nach  
den  
i/h  
ver  
in  
ende  
Sep.







At



